

Na osnovu člana 16. stav 2. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10) ,člana 28.stav (1) i člana 45. Zakona o izvršavanju Budžeta Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18) i Zakona o poticanju male privrede („Službene novine Zeničko-dobojskog kantona“, broj: 7/16), a u skladu sa Zakonom o sistemu državne pomoći („Službeni glasnik Bosne i Hercegovine“, broj: 10/12) i članom 70. Uredbe o namjeni, kriterijima i uslovima za dodjelu državne pomoći u Federaciji Bosne i Hercegovine („Službene novine Federacije Bosne i Hercegovine“, broj: 99/13) na prijedlog Ministarstva za privredu, Vlada Zeničko-dobojskog kantona na 174. sjednici održanoj dana 26.12.2018. godine d o n o s i

ODLUKU

o odobravanju finansijskih sredstava za obnovu starog grada Bobovac

Član 1.

(Predmet)

Odobravaju se finansijska sredstva općini Vareš u iznosu od 50.000,00 KM (slovima: pedesethiljada konvertibilnih maraka) u svrhu finansiranja aktivnosti za obnovu starog grada Bobovaca.

Član 2.

(Obaveza korisnika sredstava)

Općina Vareš je obavezna, da po završetku planiranih aktivnosti, Ministarstvu za privredu Zeničko-dobojskog kantona, dostavi Izvještaj sa svim bitnim dokazima o utrošku odobrenih sredstava.

Član 3.

(Ekonomski kod)

(1) Realizacija ove odluke izvršit će se iz Escrow sredstava, nakon što Razvojna banka Federacije Bosne i Hercegovine sa transakcijskog računa broj: 195-001-00000014-89, otvorenog kod Centralne banke Bosne i Hercegovine, na transakcijski račun Zeničko-dobojskog kantona, broj: 134 01 000000 17386 otvoren kod ASA banke dd Sarajevo, prebaci sredstva u visini utvrđenoj članom 1. ove odluke na transakcijski račun općine Vareš.

(2) Nakon priliva sredstava iz stava 1. ovog člana, izvršit će se isplata odobrenog iznosa iz Budžeta Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18), razdjel 18, budžetska organizacija 01, potrošačka jedinica 0001, ekonomski kod 614 500, pozicija „Subvencije privatnim preduzećima i poduzetnicima“.

Član 4.

(Provođenje odluke)

Za realizaciju ove odluke zadužuju se Ministarstvo za privredu i Ministarstvo finansija, svako u okviru svoje nadležnosti.

Član 5.

(Stupanje na snagu)

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-14-18606/18.

Datum, 26.12.2018. godine.

Z e n i c a

PREMIJER

Miralem Galijašević

DOSTAVLJENO:

1x Ministarstvo za privredu,

1x Ministarstvo finansija,

1x Općina Vareš, Ul. Zvijezda br.34. Vareš, putem ministarstva,

1x „Službene novine Zeničko-dobojskog kantona“,

1x a/a.